



志壑堂集

十七

和.6
1080
17



門八和16
編 1080
卷 17



辛酉同遊倡和集序

古有倡和詩無和韻詩和韻之作至唐而稍稍盛焉若詩餘長短句和韻絕少宋惟方千里慕周美成之詞一一和之後人猶議其不逮遠甚和韻之難如此豹喙唐先生徃歲與秋嶽曹司農和史梅谿舊詞各十闕各極其勝余愛而和之得十三闕先生謬加歎賞而付之梓旣又拉余爲構李之遊司農觴余輩于捲圃余卽席倡摸魚子詞越數日諸公次第屬和各十五六闕自後由嚴陵而江南

而江北舟車所歷倡必有和和必如其韻間有一
二不同韻者偶也郵亭僧舍使筆如斗大破壁墨
痕恒滿每剪燭拈題動盈數章小奚鼯睡聲與哦
吟聲相接當其得意狂叫隔舍皆驚起及假館般
陽命奴子錄之約計詩數百篇詞數百調然而邢
尹相照妍媸立見余愧矣客中忽忽幾三載論文
以外亦時有倡和會望雲南歸又幾三載千里郵
筒歲或一至回憶文酒徃復時輒興離索之感今
春郵寄一編卽余兩人辛酉同遊倡和集初付之

梓者也夫唐人倡和最有聲者王裴之朝川皮陸
之題襟元白之長慶劉白之柳枝竹枝皆才分相
敵故當時後世並艷稱之雖所作不必盡和韻亦
人所難也余才之不逮先生豈惟什倍視千里之
去美成爲尤甚顧先生歆然不自足且云余詞什
倍于先生余重滋愧矣先生先是嘗遊吳越同遊
者爲念東高司寇吉津李宮詹倡和集久爲鷄林
傳誦亦惟才分相敵故也海神與秦皇約曰我貌
寢勿圖我也余且爲海神笑哉比來吾浙諸當事

葺治西湖待
鑿與南幸余與驥聯毛孝廉倡和
竹枝各二百首見者頗詫為鐵崖以來所未有先
生有意重遊肯一一和之不又後來居上乎丙寅
莫春錢唐吳陳琰寶崖氏題于古柳書屋




桂登堂

搥詞雕蟲小技也然在昔六卿七子所贈答不外
竹簡陳言耳乃一時風雅頓有盛會不再之感况
於旅館良朋抽毫作賦一言之偶當者哉余性類
不良於詞少時間一為之不失銅琶鐵板故態少
涉濃纖即削稿不復存一似詭於道者以故生平
無假託香草美人以自文之句非不欲之亦其性
然也辛酉吳越之役棲遲最久得於武林交吳子
寶崖吳子於此道擅場自其童子時即優為之一
日聞余與曹秋岳侍郎倡和萬年歡數調率爾過

訪卽携其卷以去居無何盡和之以示余視之殆
賀監所云子蓋謫仙人也遂相訂爲汗漫之遊三
竺兩峯無日不遊卽無日不以此事相往復記一
日銷夏吳山之墨香池館競爲滿江紅一詞自朝
至暮各得若干首吳子才捷於余余不能追也已
而南至嚴陵北過姑蘓又北至泰岱牛載以來水
際山巔亦無日不以此事相往復除不相酬倡者
不錄外錄之可得二百數十調其酬倡而未存稿
如贈宛陵梅耦長孝蕙諸闕吳子南歸携其卷以

去亦不錄今藏諸篋衍殆四五年所一日較正志
壑堂藏書目檢得之夸然不自釋者終日爰付之
梓以永此編夫桓野王吹笛殿上尙曰臣與御府
人必自不合臣有一僕善相便串遂召之其曠懷
高致如此况余雖才劣竊得從吳子於擊鉢刻燭
之餘數墨尋行是亦善相便串之類也然北阮之
言曰未能免俗聊復爾爾郝隆腹笥抑足以豪耳
余且老深悔從前筆墨之事無益身世幾欲焚硯
者數矣吳子年方富其務爲其有益者以張吾軍

若夫審律之精嚴寄懷之要眇遺詞定體吳子固
什倍於余余為遜謝者亦已久曾何足與比數也
耶濟南豹出唐夢賚於乙丑上元後七日在莊山
書屋竹林雪夜燈下題



辛酉同遊倡和詩餘後集卷之上

小令

卷上

望江南

唐夢賚

九闕

吳陳琰

十闕

如夢令

吳陳琰

唐夢賚

點絳脣

吳陳琰

二闕

唐夢賚

一闕

減字木蘭花

吳陳琰

唐夢賚

菩薩蠻

唐夢賚

吳陳琰

清平樂

吳陳琰

十闕

唐夢賚

十闕

鷓鴣天

吳陳琰

十闕

唐夢賚

七闕

夜行船

唐夢賚一闕 吳陳琰一闕

踏莎行

吳陳琰 唐夢賚

中調

鳳栖梧

吳陳琰一闕 唐夢賚一闕

青玉案

唐夢賚 吳陳琰

江神子

吳陳琰 唐夢賚

下水船

唐夢賚 吳陳琰

金人捧露盤

唐夢賚 吳陳琰

華胥引

唐夢賚 吳陳琰

探芳信

唐夢賚 吳陳琰

長調

齊天樂

唐夢賚 吳陳琰

法曲獻仙音

吳陳琰二闕 唐夢賚一闕

滿江紅

唐夢賚十三闕 吳陳琰十五闕

掃花遊

吳陳琰 唐夢賚

天香

吳陳琰二闕 唐夢賚

西子妝

唐夢賚 吳陳琰

揚州慢

吳陳琰 唐夢賚

瑣寒窻

吳陳琰 四闕 唐夢賚 四闕

月下笛

唐夢賚 吳陳琰

瑞鶴仙

吳陳琰 二闕 唐夢賚 二闕

卷下

真珠簾

唐夢賚 吳陳琰

水龍吟

吳陳琰 唐夢賚

綺羅春

唐夢賚 吳陳琰

泛清波摘遍

唐夢賚 吳陳琰

望海潮

吳陳琰 唐夢賚

霜葉飛

唐夢賚 吳陳琰

百字令

吳陳琰 三闕 唐夢賚 四闕

木蘭花慢

唐夢賚 吳陳琰

霓裳中序第一

吳陳琰 唐夢賚

沁園春

吳陳琰 五闕 唐夢賚 五闕

貂裘換酒

吳陳琰 十四闕 唐夢賚 九闕

摸魚兒

吳陳琰 十六闕 唐夢賚 十六闕

白苧

唐夢賚 吳陳琰

瑞龍吟

唐夢賚 吳陳琰

十二時

唐夢賚 吳陳琰

多麗

唐夢賚

吳陳琰

哨遍

唐夢賚

吳陳琰

鶯啼序

唐夢賚

吳陳琰

辛酉同遊倡和詩餘後集卷之上

小令

望江南

廣陵雜典

唐夢賚

江南好。最好是揚州。王屋山前贖笠子。霓裳月下按歌頭。箇箇是仙遊。

江南好。最好誦佳詞。忽發狂言驚滿座。不須惆悵怨芳時。自昔愛分司。

江南好。遙夜奏絲絃。紅杏園林飛蛺蝶。綠楊池館



戲鞦韆終屬麗春天。

江南好。初日上朱樓。蟬鬢雙垂荷葉領。湘簾半露牡丹頭。不問是揚州。

揚州好。舊路訝新差。寶帶橋邊江水轉。鈔關門外酒旗斜。往事總堪嗟。

揚州好。最苦是隋皇。錦纜斷時金璽去。美人塋處玉鈎荒。灑淚弔雷塘。

江南好。騎鶴有錢神。閉閣三千教粉黛。纏腰十萬選黃金。借問是何人。

揚州好。文選黜滌哇。洗墨舊池開白社。冬青結子燦紅霞。處處有瓊花。

江南好。回首憶杭州。債主逼來千戶走。旗軍怒發一街愁。那及廣陵遊。

揚州雜典

吳陳琰

揚州好。風景正初冬。紅子遶籬垂枸杞。綠苞臨水老芙蓉。何處是吳宮。

揚州好。興廢總休嗟。文選僧樓翻貝葉。蕃釐道館換瓊花。不忍說繁華。

揚州好。人在畫圖遊。面面酒旗橋外店。家家歌扇
柳邊舟。只合老揚州。

揚州好。狂客恨來遲。誰是紫雲誇妙伎。驚迴紅粉
看分司。賸得柳絲絲。

揚州好。王業只隋堤。錦纜已隨流水去。繡帆也共
夕陽西。樓子至今迷。

揚州好。佳麗儘堪憐。六代濤聲才子地。二分明月
美人天。春在畫橋邊。

揚州好。愁絕小秦淮。玉樹歌殘脂井壞。楊花唱罷

寶釵埋。兩地使人哀。

揚州好。水閣炫明妝。歌拍引開紅繭苞。香塵拂動
紫鴛鴦。那不斷人腸。

揚州好。衰柳有栖鴉。烟景全迷青瑣闥。月痕偏照
玉鈎斜。夜夜見宮娃。

揚州好。夾岸畫橈開。第五泉邊烹茗去。無雙亭畔
看花來。明日玉驄催。

如夢令

梁庄曉發

吳陳琰

門外僕夫催未水腹堅凝沂水殘夢馬頭醒又見
暝鴉飛起行矣行矣人在亂山叢裏

沽酒和海木

唐夢賚

借問酒旗懸未喚取渾然江水晞髮漬綸巾舊恨
督郵重起至矣至矣已過青州鄉裏

點絳脣

梁庄卽景

吳陳琰

霜滑危橋一鞭嘶過銀驃馬酒旗低挂茆店踈林
亞夾道青山齊魯之間也君休訝悲風吼罷冉

冉斜湯下

青駝寺和海木

唐夢賚

古木招提何年傳到駝經馬夕陽西掛殿角幡幢
亞斷碣重來最屬誰遷也真堪訝濁醪沽罷俯
仰茅簷下

留別邁人先生次來韻

吳陳琰

雙槳同遊桂叢香裏人來去小春重遇楓冷瀟瀟
雨我束輕裝南北分岐路慚追步一樽道故唱
罷陽關暮

和王邁人贈別

唐夢賚

鴈塔題名。招賢館下人皆去。禾城小遇。桂落飛黃
雨。不分征帆。還指姑蘓去。尋瓜步。秣陵非故。回
首雲山暮。

減字木蘭花

曉步山村

吳陳琰

山程水驛。烏柏青楓紅欲滴。步入閒蹊。霧鎖峯腰
濕翠迷。荳花小莢。點點木棉花似雪。又過前灘。
船尾長年話曉餐。

卽事和韻

唐夢賚

兵塘戍驛。小肆檀槽聲滴滴。探壑尋蹊。幾度松林
問路迷。黃花皂莢。遲到霜添烏相雪。鷺渚漁灘。
徃徃停舟辦早餐。

菩薩蠻

憶丁巳同遊

唐夢賚

前年風雨連征騎。記得城南三塔寺。花樹彩虹高。
蒲團坐盡橋。茶鐺聲謾謾。憶步僧圍竹。落日布
帆收。行人又早秋。

泊三塔灣

吳陳琰

蕭然行李堆書卷。輕舟載得離人慣。棹過斗門塘。
殘陽鷄子黃。蒲帆天際盡。襯出明霞簇。塔影倒
波心。龍潭深不深。

清平樂

贈祝豹岳先生有序

吳陳琰

陳琰之從豹岳先生而北也同舟半載日與
巖壑為緣脫駕三冬時有琴樽相伴聯新聲
於丙夜刻燭成章集清讌於午橋飛觴傳令

先生臘逢八日慶踰五旬同迦文之良辰僅
贈公之忌節爰是雪中掃墓念顧復而低徊
郊外揮鞭謝賓朋之酬酢固達人之高致實
孝子之至情 陳琰 夙慕松栢之操恥效岡陵
之什寄斯廡下無以稱觥借彼歌頭聊堪介
壽云爾

去年今日君作吳山客。二老往來阿凍筆。醉把雪

糞分擘。

謂秋岳師

恨予訪戴偏遲。今來般水論詩。莫

唱萬年舊調。且酣千日深卮。

萬年歡吳山倡和詞名

曾經捧喝佛子生初八。現宰官身而說法。薑桂少年偏辣。閒居別掉雷車。舌尖片片蓮花。人間六時功課。持杯常聽頰伽。

江南客久。遣興惟詩酒。偶見故鄉諸好友。頻訊竹平安否。交年纔得歸來。山堂一一門開。携取南遊日記。劃然長嘯登臺。

鼓輦聲靜。羽檄滇南定。瘴雨蠻烟都掃盡。從此飽探名勝。燃藜閣上需才。輾輪新詔飛來。捉鼻東山不免笑。予何以爲懷。

狂生無狀。脫帽浮佳釀。門外冰花大似掌。畫出太平模樣。羨君冒雪揚鞭。提壺去拜新阡。說是先公忌日。薦蔬不忍開筵。

一編課子。夜讀蕭梁史。種秫栽花無別事。分派小童摹字。呼予城上看泉。佳山羅列胸前。怪道先生詩思。似他雪瀑濺濺。

魯連未老。自喜知機早。鄉里解紛多頌禱。拍手兒童爭笑。臘梅纍纍含芳。和來黍粥全香。是日粥各臘八忽報雞豚村叟。喧呼介酒升堂。

王維遠矣。

謂邁人先生

更有高常侍。

謂念東先生

老友倡酬

差可喜。肯許後生寒士。

稱量我輩文章。城償十

五低昂。飲盡紅糟一斗。那知身在他鄉。

到家看竹。先喜催科足。菽麥今年稱最熟。大抵明

年可卜。橐駝法有真傳。花花葉葉常鮮。分我清

陰數畝。他時也笑家園。

少年豪舉。醉後猶能語。五十年來如寄旅。笑盡覆

雲翻雨。不妨守我漁磯。學仙學佛皆非。何似鑽

他故紙。著書牢掩雙扉。

臘日和吳海木賜祝是日即先君忌節

唐夢賚

迎文生日。坐對江南客。六出瓊花催夢筆。鹿脯行

觴新擘。恰憐展墓來遲。雪山若箇吟詩。驚見明

珠萬斛。夜闌典極傾卮。

狂歌痛喝。殷七與陶八。我自年來行我法。世味飽

嘗酸辣。羊腸九折回車。兔園三徑栽花。除却烹

魚釀酒。分明一箇僧伽。

倪迂黃久。相過頻呼酒。借問武林諸舊友。曾見客

如君否。三千里外同來。瑯環幾架函開。賦就曉

風殘月行吟落日荒臺。

櫻團入靜篆。裊人初定。窠日掀翻結習盡。色色香光殊勝。儒門收拾奇才。多憑金粟如來。一口西江吸却。葛天人與無懷。

溪容山狀絮絮同雲釀。樵逕狐踪與鳥掌。莫作探梅圖樣。霜威裂面揮鞭。經年酒淚西阡。豈有椎牛布席。不過旬餽荒筵。

譚經論子。幾部荒唐史。堪笑殘年貪故事。但識楊雲難字。何人思湧如泉。慧心早種生前。舊藁五

城霞剪新詞。三峽流殘。

馮唐雖老。頗喜閒身早。馬齒不堪頻致禱。值得夢婆一笑。滿庭竹樹猶芳。開罈歲酒初香。遊子征衣纔解。隣翁携榼登堂。

主人來矣。煮茗山童侍。座上縹緗四顧喜。倒屣中郎佳士。筆飛迅掃千章。酒闌天地低昂。祇恐巴渝下里。化爲櫻笋江鄉。

事除種竹。百計何時足。紅日山窗春睡熟。不用扶乩問卜。鐸鑼寒具家傳。小瓶日鑄還鮮。遊遍三

志登堂詩集 卷之十一
吳兩越。風光何似丘園。
布帆輕舉。飽聽舟人語。烟鷺冥鴻同逆旅。領盡凄
風苦雨。如今淨掃苔磯。毀車殺馬知非。來歲歲
蕞下牡。多應鐵錮重扉。

鷓鴣天

蘭陵道中

吳陳琰

日出橫林霜正嚴。溪山一幅好江南。隔灘紅葉兼
黃葉。並舫蒲帆夾布帆。凭畫檻。捲珠簾。芋香初
下水晶鹽。不勞渴想蘭陵釀。先向新豐探酒帘。
地

新豐
鎮

帶水邗江裝已嚴。移舟城北又城南。烟炊少婦頻
扶柁。風轉頑童解卸帆。金鎖屋。玉鈎簾。吳姬一
笑白於鹽。衰黃柳線斜陽裏。村店濃書大字帘。
自笑狂奴不姓嚴。大鵬展翼學圖南。未愁瓜步催
征騎。好趁梁谿送峭帆。山似幃。水如簾。行厨枯
豉點紅鹽。來朝一箭過江北。驛路揚鞭花外帘。
此去金山城郭嚴。巍然半壁砥東南。七層塔頂高
低檻。一點江心來往帆。應駐楫。莫垂簾。潮來汲

水味如鹽。黃昏隱隱揚州路。要覓隋堤茗館帘。
 麋鹿曾無禮法嚴。家山只戀聖湖南。鶯花夢杳風
 中絮。烟水身輕紙樣帆。磨舊鏡。織疎簾。世情今
 始辨酸鹽。船頭把卷繙難遍。蟹舍漁灣收晚帘。
 風露憑教客路嚴。夜牕燈火讀淮南。水邊岸澗高
 於屋。樹杪檣高蠹似帆。春有廬。卜無簾。那堪瑣
 屑米和鹽。遙知李白樓名舊。不怕當壚不挂帘。
 纔聽山僧說戒嚴。却迴烟棹下溪南。不曾吳苑聽
 香屨。又是隋宮張繡帆。鸚鵡杓。水晶簾。紅牙阿

鵲唱新鹽。泰娘應為傷秋瘦。風弄高樓燕尾帘。
 眼底何人交最嚴。東來吾道化行南。秋經水驛冬
 山驛。君筭歸帆我去帆。聯白舫。下青簾。黃蘗咬
 斷再和鹽。傳聞金帳羊羔美。可敵家山風雪帘。
 閱盡風波晚更嚴。紛紛捷徑自終南。雨中却剪三
 條燭。雲外頻飛十幅帆。歸竹屋。押湘簾。休誇管
 子說魚鹽。裹糧一了尋山興。若箇樵青訪翠帘。
 津鼓蓼蓼入夜嚴。看星斗北與箕南。琵琶女唱商
 人曲。振柁工收估客帆。霜滿柝。月穿簾。燒蔥裹

餅着吳鹽微。茫京口爭沽酒。露出官橋白布帘。

卽事

唐夢賚

夜半鳴鉦船政嚴。渾如軍政杜征南。兩行柔櫓如
雙戟。一帶高牙似片帆。穿碧嶂。問朱簾。蓮娃畢
竟勝無鹽。如今詩價渾難定。笑指前亭青布帘。
打火彎弓入夜嚴。扁舟猶在秣陵南。家人喜得泉
山酒。舟子偏張蕭寺帆。支板榻。啓窻簾。客中漱
齒頰。青鹽預愁此去無佳釀。吳市如今未捲帘。
擊柝初聞更漏嚴。奔牛誓可駐村南。人過京口應

停棹。路入焦山且卸帆。古寺塔。玉樓簾。蔗糖佐
酒賽形鹽。木蘭僧院將題壁。隋帝紅橋莫下帘。
彩筆從來審律嚴。敢云太史滯周南。往來寶劍通
吳國。上下詩瓢逐越帆。名士楫。美人簾。長憐謝
女撒空鹽。題詞驛館揮蛛網。問酒河橋認樹帘。
入戶休愁課稅嚴。羽書早晚定滇南。頰聞粵嶠催
鼙鼓。又見舨艫下海帆。新秘閣。舊斑簾。前身敢
道作梅鹽。烹茶掃雪尋常味。更醉隣家三尺帘。
蕭散何曾禮數嚴。擁書尊似百城南。身如寇準論

金注意類。盧能說石帆。荆棘樹。月明簾。筭來不
少十年鹽。逢場作戲。調心耳。屠肆茶坊。又酒帘。
山驛何如水驛嚴。黃河天與限西南。卽看泰岱搖
金勒。莫復維揚掣錦帆。拖馬策。撤車簾。陸收棗
栗水煎鹽。青州從事。應無恙。一揖黃公識舊帘。

夜行船

本意

唐夢賚

烟鎖橫塘。迷物態。櫓聲中。兩山青在。宿鴈灘頭。眠
鷗汀渚。肆開酒。無人賣。舟子歡傳。雙纜帶。曳暝

帆。淺嵐深黛。鄉夢初回。霜鉦漸息。曉市聞呼。蝦菜
紅葉

望斷山蜂。迷粉蝶。應慚愧。閒園花月。一路桃源。千
家金谷。塞破畫囊詩篋。走馬深春。人亦怯。對紅
樓。流鶯難說。玉曆差編。靈台錯注。原是永和佳節。

用史梅溪韵。晚泊

吳陳琰

風力亦如人。倦態暮帆收。一篷秋在。依約寒燈。淒
其歸鴈。村釀岸頭還賣。咫尺錢江。衣一帶。夜茫
茫。難尋烟黛。貪看山楓。飽餐市橘。老却西湖蓴菜。

本意用周艸應韻

吳陳琰

枕上分明來夢蝶。眠難穩。被篷穿月未訪桐君重。
尋釣叟。添我新詞填篋。柔櫓頻移情倍怯。數殘
更悲歡休說。一夜灘聲半天星影。惱亂酒醒時節。

踏莎行

蒙陰道中

吳陳琰

沂水濃霜。蒙城衰草。今朝纔入齊州道。夕陽敗葉
舞西風。寒崖陡絕藏祠廟。塵漬羊裘。風欺茸帽。
凌兢倦馬遲遲到。牛山何事淚沾衣。祇今過客猶

含笑

敖陽和海木

唐夢賚

白板支床。土扉編草。茫茫夜走臨沂道。黃梁小灶
已蒸無。居然老衲投荒廟。襪被黔馱。寒氈遼帽。
敖陽野店人重到。頻年何事客頻來。支離應惹山
靈笑。

中調

鳳栖梧

壽靜修

吳陳琰

元登堂詩集 卷之一
我亦攬揆逢八月。十載名場羞與時。流說客裏開樽澆瘦骨。吾徒原不因人熱。轉眼看君弧矢設。月挂疎桐又近中秋節。髀肉全消豪興發。幾時同擊長江楫。

遊福城寺次前韻

吳陳琰

屈指遊踪經一月。醉里風光茶叟徐徐說。僂倖金風銷病骨。新涼何事添炎熱。講寺尋僧高座設。松塵頰揮拄杖齊眉節。古墓松陰濤怒發。小橋流水催蘭楫。

和游水祝靜修詩

唐夢賚

向歲南征當此月。草草敖陽往事從頭說。看子鬚髯兼傲骨。今晨那不懷明發。客邸清樽聊復設。好祝延陵同建雙朱節。須信流光容易歇。片帆明日沙棠楫。

代靜修答游水

馬齒銷殘新日月。鄧禹時名恥向文人說。自負雄心。和俠骨。摩娑難解中懷熱。壁上弓刀何事設。取印提戈。記得年時節。良夜頻驚鷄唱發。劉琨肯

讓祖生楫

青玉案

贈陸書年用韵

唐夢賚

白蘋吹斷王孫路。又目送雲帆去。柔櫓聲聲征鴈度。浮屠烟鎖。嚴城波隔。記得繡經處。霜清珠館西風暮。曾報琅玕短箋句。抱膝長吟身自許。登高時近。香殘金粟。粒粒飛黃雨。

答陸書年

吳陳琰

城南認得金陀路。鴨頭艇隨風去。冉冉午鐘雲外

度。佛燈明滅。茶烟飄漾。恰是逢君處。霜華着樹秋將暮。玉案投來病中句。橋柱宣公君自許。鴛湖別夢。鷓湖歸思。莫謾傷秋雨。禾城有宣公橋

江神子

錢江晚潮

吳陳琰

千帆風捲大江秋。客重遊。怒濤收。添作狂瀾。只管送行舟。斜日無言聲尚咽。說萬弩。水空流。團團海月照離愁。翠樽浮。把吳鉤。年去年來。雪浪白人頭。打過富春灘七里。尋釣叟。問羊裘。

江行

唐夢賚

茱萸宴罷已殘秋。又南遊。片帆收。陣陣銀潮不分。
打輕舟。千折長江原比去。為晚汝障東流。斜風
斜雨漫深愁。尺竿浮寸魚鉤。翠壁丹林紅蓼照灘
頭。能得嚴州幾度過。且沽酒醉躡裘。

下水船

富陽

唐夢賚

富澤舟重繫。風利舊蓬又起。憶上吳峯。歷數雲中
青髻。今帆墜。歸路傍人笑指。山填一派谿委。客

懷暢。惟有嚴灘水。石麗波清明鏡裏。夾岸霜楓。嬌
紅都染羅綺。晚林翠。收拾錦囊得意。肯惜金龜換
珮。

歸舟重經釣臺用晁無咎韻

吳陳琰

風緊蘭橈繫。想見狂奴臥起。臯羽荒臺。盡日對看
螺髻。遺風墜。多少行人屈指。樵歌仄徑深委。富
春渚。西接錢江水。一笑塵埃潮影裏。歸路重經。楓
林纔變成綺。亂烟翠。我亦垂綸有意。那羨金魚作
珮。

金人捧露盤

錢珝信憲副金明寺
招觀放生用社中韵

唐夢賚

辭文壇抽簪紱。返長林。有今朝嘉會聯吟。蓮池舊
社。鷓夷堤上古城陰。開籠放鳥魚歸壑。勝友閒臨。
坐祇園。演三乘。懷故國。憶雙砧。謝多生。支許招
尋。道人情事。雲山嘯傲五湖心。香爐茗椀伊蒲供。
彈指秋深。

范蠡湖放生次秋岳師韵

吳陳琰

倚湖天。望海月。坐旃林。百尺潭。夜夜龍吟。亂烟杳

靄明螺五色。水長陰。荒祠遺像靈旗閃。佛閣高臨。
傍城隈。斜日下。催刀尺。急寒砧。見支公。特地相
尋。親人魚鳥。禪天繒繖不驚心。一甌茶罷疎鐘起。
響入雲深。

華胥引

咏白海棠同和曹秋岳
侍郎韵

唐夢賚

種傳碧海色。按霓裳。生憐刺繡。露砌香階。冷蜂望
斷雙蝶袖。無那醉葉翻風。被曉寒輕逗。月下踰躑。
玉人纔道粧就。垂絲西府。久不分芳朝春透。太

真眠起。乍見湘紋汗溜。自是花神作意。素書親授。寄語秋蛩。莫教抵死吟瘦。

咏白秋海棠和倦圃師韵

吳陳琰

苔陰影暗。石罅香寒。笑他綺繡。色換鉛華。妝宜綰素。搖翠袖。錯疑蛺蝶深穿。把艷情拖逗。淡月瑤臺。玉奴標格生就。料峭西風。綻嬌紅。和伊吹透。露蛩作伴。曉來淚珠微溜。待唱斷腸新調。雪兒誰授。不似春心。逢秋那便銷瘦。

探芳信

重過釣臺

唐夢賚

消清晝。但村背尋蹊。柴門貰酒。到釣魚灘下。高臺還如舊。可知落木蕭蕭後。陡覺前山瘦。指閒亭石倚苔碑。樹遮雲甃。下水征帆驟。聽幾曲樵歌。伊人雙岫。試語山靈。尙許重登否。同遊板榻紅綾被。寒透猶蒙首。便重來。應嘆金城故柳。

和張玉田韵

吳陳琰

趁晴晝。載丹橘黃橙。青魚綠酒。喜輕帆重挂。秋山總依舊。楓肥兩岸。遲遲落。偏是籬花瘦。踏荒畦。樹

陸鵝巢樓危鴛鴦。淺水下灘驟。盼幾疊烟雲越。峯吳岫。借問江神能起晚潮否。麴塵波。殺迎雙槳。蓬背頻回首。怪秋深。還聽曲中折柳。

長調

齊天樂

咏橘

唐夢賚

金盤纍纍堆秋實。小市筠籠初見。葛嶺尋梅。鴛湖探桂。人到三衢時晚。荐新未遠。肯對酌。撚酸詞流。冬怨。既醉鱗魚。又求子。固詠懷健。嚴陵看遍霜。

樹買當壚一醉聊。復清遣也似前人。木奴斗酒。數盡江鼉。更點黃團香軟。祝對奕仙翁。楸枰休散。待看洞庭垂垂綠玉滿。

用史邦卿韵咏衢橘

吳陳琰

信安烽火傷佳種。年來戰餘重見。翠蓋荷枯。紫萸菊老。木友千頭偏晚。荒原不遠。伴楓葉蘆花。能禁凄怨。買得盈筐。載將風力片帆健。洞庭還擬勝賞。只桐江一渡。借爾消遣。嫩滑留唇。微酸濺齒。勝似青梅鹽點。嬌娃指軟。定剖出瓊漿。手香難散。且

佐清樽。蘭谿新釀滿。

法曲獻仙音

同豹岳先生吳山坐雨有懷
秋岳師即用其壁間舊韵

吳陳琰

柳眼凝珠。葵心滴血。人坐墨香書院。潤逼金徽。泥
封蠟屐。詩成難把晴換。怪樓閣無尋處。黑雲鎖山
半。共遊伴。說文園故人善病。藥裹外。懶執上林
賦管。笑我舊疎狂。鐵心腸。幾度鎔軟。買醉徵歌。喚
風前舞袖迴轉。指白蘋香裏。亭下落帆相見。將有
禾中

之遊
故云

贈海木

唐夢賚

戲罷龍舟。啼殘鳩婦。暮雨蕭蕭禪院。蛙鼓頻敲。濕
螢不度。寒重葛衣初換。笑客子吳山下。流年又將
半。憐詞伴。似旗亭雙鬢。貴酒人乍醉。更佐銀簫
玉管。便扇底桃花。又曉風楊柳輕軟。笑指江東鐵
琵琶。將儂喚轉。恨畫橈不早。前歲湖心相見。

擬遊爛柯山不果

吳陳琰

樹隱山腰。草荒城脚。人坐楸頭船窄。沙暖眠鷗。帆
輕落雁。戰場菊花開得。又傳道前山好。索辨謝公

履訪仙窟是青霞洞天深處。要喚起樵人問他
踪跡。爛盡百年柯。數廢興付與殘奕。絆住塵情。空
惆悵白雲堆積。笑不如歸去。再上釣臺千尺。

過嚴陵

唐夢賚

路背雲臺。家通梅市。自昔嚴陵溪窄。十載羊裘。一
竿漁舫。借問誰人眠得。渾難識王喬意。忪煞尙書
履。營三窟在方壺。偷桃家里。更帶索行歌。異踪
竒跡。度過海揚塵。早局中未定仙奕。一笑桑田。見
龕外閒籌山積。聊逍遙浮世。白髮任拖千尺。

滿江紅

寄懷曹秋岳侍郎
用辛稼軒韻

唐夢賚

日下雲龍。風雪逕履聲初識。誰逆道荷香。歷亂巾
車遲北。相遇不離高士巷。相思日念尙書履。奈西
湖着意欲勾留。并州客。咳唾落九天。坼。撥鑿險。
五丁敵。何螫龍屈蠖。蝸牛藏跡。此後兵糗宜料理。
年來民隱須關白。待他時鑑曲。賜知章。論平昔。

贈吳海木

物色塵埃。黃叔度暗中先識。憶向歲武林難認。阮

家南北採藥無家方織簾圍棋未捷還穿屐看君
才自是玉堂身天家客。曾讀易三編坼見作賦。
千人敵驚神龍無首。羚羊無迹拾芥看拖上苑紫。
呼盧且任東方白莫待似燭武不如人人成昔。

題吳海木柳塘圖

所謂伊人濃陰下燕窺鶯識筭祇在林逋亭外淨
慈湖北折角風前郭泰服練裙雨後封胡屐渾不
是漁父問花來桃源客。賦擲地金聲坼湯吞海
鯨川敵望臨安弔古晉唐芳跡對菊開樽憐靖節。

聽松調鶴遲貞白待他年柳汁染宮袍圖如昔

湖上送別方樓岡學士渡江

客裏陽關問前路幾多相識爭似我長沙湘水一
軍三北青塚夢回留恨草屨廊音絕傳香屐羨丁
仙化鶴再歸來遼東客。談鋒起雷初坼雄文發。
詩無敵看過江詞賦堯封禹跡路入耶溪花逕碧。
舟穿吼石雲容白踏金庭阮肇定逢人人非昔。
庾嶺嵩峰抽簪後徧叅知識三十載夢魂飛越大
江南北燕市舊遊多掛劍金陵群從還高屐望東

山曾見此君乎。桓温客。江淹筆。花初坼。瓊海賦。
文無敵。憐竹書殘唾。蠅涎蟲跡。巨手半因沽酒赤。
長鬚早爲吟詩白。憶當時。日日鳳凰池。如疇昔。

贈林西仲司李

王粲荆州最折服。論文高識。官便信。雙肩襍被買。
舟同北。時有卜居山左之意四海難容和靖屋。一時盡倒中。
郎屐。悟蘧廬蝴蝶是前身。漆園客。盧循滅。孫恩
坼。波已靜。師無敵。看太平有象。鳳遊麟跡。在再餘。
生鴉鬢黑。淒清舊事。烏頭白。且開樽。夢破問黃梁。

皆成昔。

送游子六歸建陽書林

先正文孫喜邂逅。班荆初識。子六爲廬山先生之後記相遇。
城隍祠畔。玉清園北。范子鵬夷垂釣舫。謝公康樂
登山屐。怕郵傳認作夜雙星。金門客。琅函外。龜
紋坼。鄴架上。鴻名敵。笑中郎秘笈。空爾陳跡。處士
灘高雲氣紫。仙霞嶺峻嵐光白。祝重逢。九曲幔亭
春人猶昔。

玉宇茫茫。章亥老。渾天難識。憑君道。連珠合璧。乾

南坤北自是魏公捧日手。難追夸父飛雲屐。想他
年會去問支機。乘槎客。劃兩界。周髀圻。分四片。
陰陽敵。有羅天仙掌。針盤車。跡暝酒能回妖氣赤。
洗兵欲挽銀河白。應屈指不許李淳風。專名昔。子六

精于天文

自述

潦倒漁樵吟澤畔。更無人識。敢便道星回天轉。海
歸東北。十載坐穿櫻欄薦。九秋踏破匡廬屐。怪年
來嘯傲五湖濱。重爲客。靈與鷲。山飛坼。冷與慧。

水勃敵。向蘭亭俯仰。總成陳跡。南渡寢園空蔓棘。
西陵酬唱無元白。任征途霜滿少年頭。悲今昔。

寄題殿宣宗侄雲巖山莊同黃主一鄭春薦諸子

策杖雲巖南宋地。鸞輿曾識。指御路萬松林裏。鳳
凰山北。西塞鏡歌圖立馬。南園詞賦探遊屐。抵多
少縱酒弔斜陽。興亾客。石容怒。如橫坼。濤聲壯。
如迎敵。想銀衫貫甲。浣紗香跡。衣繡千株芳樹錦。
掛帆幾陣降旗白。有江頭紫燕見春秋。談今昔。

壽王草堂尊人七十

南極星臨望。躔度老人難。識論世業石。鍾山下。鄱陽湖北。證道天泉傳弟子。奉祀新建。留冠屐。喜文孫。抱器渡錢塘。通賓客。王爲陽明先生四世孫妖氛重。輿圖圯。貔貅怒。螳螂敵。聽平淮。獻頌鳳箋。響跡。令子見知于康親王賜袍賜獎故及之賦就梁園親賜錦。歌殘嵩嶽雙垂白。看萊衣舞綵。戲堂前。榮如昔。

觀海木所作唱和題詞賦贈

放浪吳山。筇竹杖。兒童皆識。有劔佩。延陵公子。大鵬圖北。虎阜尚存。聽法石。洞庭那免探玄屐。笑蹉

此茵。昔已飄零。還爲客。懷中錦。憑君坼。夢中筆。無君敵。詫宮鬟。步步花塵留跡。素衿山人。終賜紫。青蓮學士。原名白。願從今。兩載不窺園。齊名昔。

贈許甥靜修

許子英年。占宅相。提攜相識。衣短後。珊瑚鞭影。隨余南北。按轡不離雷。煥劍張燈。嘗躡鍾山屐。倚晨昏似舅。有賢甥。交年客。餓鴟叫。弓如坼。別墅賭棋無敵。更收藏書帙。樊川詩跡。百步欲穿。鷓羽赤。千金焉得狐裘白。祝鷹揚。徒隼大吾門。酬今昔。

寄懷曹秋岳夫子

吳陳琰

鶴怨猿驚歸來矣。舊會相識笑燕子。年年如此春
南秋北。兩宋衣冠銷野火。六朝花草埋芳屐。喜巋
然留得魯靈光。雲中客。填麗句。春葩坼。倡高咏。
青蓮敵。憶紗籠題壁。幾成真跡。范蠡湖頭。蓴鏡翠。
錢王江口。濤山白。遣紫駟重與繫旗亭。堪追昔。

湖上同豹菴先生賦

是也非耶。驀然想大槐親識。重來此舊家荒逕。錢
唐門北。范叔尙憐寒士服。沈郎幾認鄰人屐。對湖

山爲主。我爲賓。君非客。芳草路。青俱坼。楊柳斷。
詞難敵。歎庸流碌碌。馬塵車跡。漏盡鐘鳴。月乍黑。
夢回酒醒。天將白。愧年來事事不如人。何言昔。

寄懷王邁人先生

萬丈光芒。最欣慕斯人才識。曾告我路車生耳。東
西南北。黃石赤松。孺子履。烏衣白袷。先生屐。百年
間逆旅。此乾坤。都成客。歲寒節。水難坼。驚人語。
鋒誰敵。記湖山曳杖。幾番遊跡。老矣一腔肝膽熱。
壯哉幾寸鬚眉白。奈阮生痛哭。只窮途。依然昔。

同方樓圖先生唐天中僧行中小集豹岳先生寓齋

屈賈鄒枚問懷抱吾生能識羨滿眼聲名文物自
南而北蓮社閒人陪几杖竹林韻事圍裙屐
巖好處且爲家休言客捲不盡蕉心坼驅不散
蚊雷敵甚山川歷遍難求仙跡名士逢場身是戲
英雄到處頭堪白怪右軍對酒也傷神思今昔

同豹岳先生登吳山絕頂

除却吳鉤登臨意不令人識向十二闌干凭遍斗
星衝北箬笠逢僧邀曳杖布帘間酒親携屐把綸

竿海上釣鰲來中原客公莫舞風雷坼公真醉

英雄敵惱蒼蠅細響蟬蛩微跡蔡澤身依唐舉相

吳生書與陳王白

時與先生同寓寄秋岳夫子書

笑從前雌伏總

徒然吾非昔

雨中送樓岡先生遊四明

咄咄惟髯正一笑雄姿初識君又向大江東去吾

將遊北

予有北上之役

萬壑千巖搜秘笈六橋三竺停遊

屐認鑑湖道服尙存無尋狂客

風復雨天驚坼

歌復哭才兼敵總飄流我輩不知踪跡熱血鱗鱗

紅化碧。明眸炯炯青還白。待金門奏策再逢君。何如昔。

同豹岳先生許靜修避暑墨香館

一枕松風。羲皇上無知無識。聊寄傲閒閒十畝軒。南牕北折竹。鏤將吐鳳管。尋山蠟就衝泥屐。問此中丘壑。置誰歟。天涯客。墨作戲龍蛇。坼圖作陣。烟雲敵。把詩筒檢點。蠅頭殘跡。銷夏灣存流水綠。宜春院廢寒嵐白。山房前後皆南園故址但前人不見後人狂。空嗟昔。

感懷呈秋岳夫子邁人豹岳兩先生

與我周旋寧作我。阿誰還識。懶更效移文自署。北山之北。破壁空懸高士榻。蒼苔偶躡幽人屐。縱侯門鼓瑟未會工。難為客。孫阮嘯山崩。坼曹王手。詩稱敵。儘雪中鴻爪。休尋遺跡。曼倩歌常據地舞。靈均賦欲呼天白。論人情翻覆盡狂瀾。逾曩昔。

贈林西仲先生

泛宅來游。望紫氣關門遙識。暫寄托吳峯峯脚。聖湖湖北。乍可追尋南宋闕。未堪料理東山屐。是杜

陵野老哭江頭。能詩客。易有數。陰陽垢。棋有劫。
古今敵。但龍藏滅影。鴻飛冥跡。身歷亂離原野赤。
心叅生死浮漚白。念莊周疑蝶蝶疑莊。無殊昔。先生

自號浮漚子

著莊子因

飲豹岳先生蕃酒醉後作

不合時宜。只巨眼塵埃纔識。天上有酒星閃爍。缺
于西北。仙子雲衣搖翠珮。蠻姬霜足穿金屐。伴吾
徒醉倒碧琉璃。高陽客。莫驚詫。山河坼。莫歎惜。
干戈敵。已妖氛洗盡。兔狐潛跡。弓射扶桑日影赤。

劔飛蓬島虹光白。猛回頭謝世入煙霞。從乎昔。

贈許靜修

鄧禹之年。奮袂起千人驚識。學書罷橫行壯志。驅
轅從北。羽扇綸巾安用筆。輕裘緩帶何須屐。便幽
燕老將畏君家。虬髯客。飛霹靂。鳴弦坼。掃瘴癘。
長矛敵。笑書生伎倆。雕蟲餘跡。耳後春風匹馬紫。
腰間秋水雙翎白。看封侯萬里賦歸來。無忘昔。

昭閩中游子六有贈

黑霧黃塵。八閩地震關難識。喜近日盡消戰伐。符

元壘堂詩集 卷之十一
秦奔北。鉦鼓頻傳歸萬馬。山川無恙容雙屐。渡西
泠載得滿船書。真佳客。看象數。乾坤坼。論理學。
程朱敵。拚虛名。付與行雲無跡。寶劍深藏埋土碧。
濁醪引滿浮樽白。任荻蘆。故壘已蕭蕭。心猶昔。

同豹菴先生遊鳳凰山

千古英雄。今安在山川猶識。瞻王氣。龍飛鳳舞。年
年歸北。仙姥不沾松嶺酒。老僧慣賣雲居屐。試登
高天濶。數沙鷗。誰非客。錢又趙。金既坼。吳與越。
水犀敵。有寒鴉。噪晚。故宮佳跡。一片斜陽。荒草亂。

半灣明月空林白。對江湖。嗚咽打寒塘。聲如昔。

豹菴先生靜修將有避暑靈隱之約

西竺飛來。偏留與古今人識。踞勝地。發光在右。高
峰居北。拾翠佳人青雀舫。尋芳才子紅釘屐。憶謝
公。好夢有還無。見稱客。猿可喚。洞門坼。泉可漱。
山靈敵。入松篁。深處。鼯鼯留跡。鸞嶺烟巒。蠹蠹紫。
龍泓水。石粼粼。白聽疎鐘。月夜度空江。各傳昔。

題周雨文山居

故相名園。到今日。丘墟誰識。空占得。亭臺花木。杜

元豐堂詩集 卷之十一
三
鵬鳴北。讀罷五千言。外卷着。歲三十年中。屐飲醇
醪。顧曲者何人。雄豪客。銀珂關。地形坼。玉斧削。
神工敵。詫人間。別有洞天竒跡。半壁隣。峒蒼蘚暗。
一池澄澈。群鷗白。解蘿衣。仗劍學從軍。休傷昔。

掃花遊

江上觀紅葉

吳陳琰

蚤潮滾滾。恰睡醒。寒衾逢。牕潛啓。布帆似紙。傍午
林曉。日去舟偏駛。憎殺霜華。只替西風。傲美。樹如
此。想江作醇醪。經時酣醉。一望紅間紫。恍路入

天台。赤城霞起。停橈小憩。縱濃花二月。也應羞擬。
那羨名園。錦幃重圍十里。亂山裡。是黃癡畫中詩
意。

富春紅葉

唐夢賚

放舟富澤。豈畫閣銀屏。曉奩初啓。烏檣布紙。對征
鴻題字。彩毫同駛。渲染霜林。惟有山根最美。誰知
此。但審律吳郎。搦管同醉。看塗緋抹紫。是老去
藍瑛。九原呼起。筆無少愁。便漢宮春曉。十洲難擬。
雙櫓休停。直入桃源故里。畫圖裏。報回鑾。東皇春

天香

倦圃再集留別秋岳先生
暨同席諸公

吳陳琰

水竹扉開湘波簾捲重來倦翁芳圃池面蓉秋亭
陰桂萼點綴秋光如許小山承蓋渾不減飛觴前
度只有桐枯柳悴客心暗驚遲暮莫歌渭城舊
句雀聲喧似留人住永和佳話天涯那定長聚還
待西湖舉棹敢輕負靈峯看霜樹便往齊州夢魂
非誤

瀕行再集綠溪小築留別珥信學憲

旅館吟殘客帆風動遲予綠溪山圃編桂綠籬列
泉穿石拋却塵情何訃微霜欲降又陣陣征鴻飛
度好趁佳辰再集涼颺釀成秋暮擘箋舊傳秀
句奈歸心已難羈住兩高峯頂采黃人約相聚此
後屋梁月落轉望斷南湖舊花樹烟雨樓新良緣
寧誤時將復烟雨樓

發嘉禾和韻

唐夢賚

讌別南湖橈停北郭再尋西陵花圃風響詩瓢煙

志寧堂詩集 卷之十一
濃茶炷。又聽長年邪許。古堂三過。應似我漁郎三
度。却怪南轅北轍。道人渾望秋暮。曾題黃花恨
句。笑征帆吳山還住。詞人高宴兩峯。豈易歡聚。好
共持觴指點。聊一望天孫簇雲樹。莫訪仙源。扁舟
重誤。

西子秋

和海本憶西湖詞

唐夢賚

圖裏蘓堤。夢中葛嶺。愁絕柳塵花霧。青驄油壁木
蘭舟。幾帆風西陵橫塊。鶯啼燕舞。分明說泥光不

住。指南屏見尋芳杜牧。今成支許。歸期悞。未入
姑蘇。又擬吳山去。不成結伴醉中山。負橘青橙黃
霜樹。燕城麗句。知何日紅橋同賦。待歸來細數鴛
湖舊雨。

和吳夢應韻有懷西湖

吳陳琰

花港鷗盟。梅亭鶴夢。隔斷幾重烟霧。秋光先到自
蘇堤。艸將衰六橋橋塊。停歌罷舞。留不得遊人少
住。傍垂楊悶錢唐蘓小。同心誰許。禾中亦有
蘓小墓緣
非誤。塵掩西湖。爭似南湖去。逆知金粟又飄香。任

霜零無多殘樹。江關舊句。怕蕭瑟蘭成難賦。且開樽却說吳山夜雨。

揚州慢

將離廣陵有感

吳陳琰

螢苑宵明。鷄臺曉唱。隋家猶是揚州。想無愁天子。當日也應愁。江南客。十年夢覺。三更酒醒。病擁衾裯。怪多情小柱。虛名薄倖青樓。東山宅裏。慘霜風落葉。颼颼。任廿四橋邊。十三樓上。響絕歌喉。無那廉纖苦雨。催征騎。欲濕貂裘。看燕城殘柳。絲絲

只繫他舟。

維揚感舊和韻

唐夢賚

相國風騷。將軍跋扈。從來慣領揚州。正處巢燕子。提起重堪愁。百年事。一分簫鼓。一分烟月。多半戈矛。看禪燈蕭寺。幾番烽火。邗溝。秣陵舊話。記英雄幕府持籌。道西上荆襄。東通吳越。南北咽喉。鎮日鶯花揉碎。興亡恨。按斷吳鉤。漸平山堂下。歌聲又起紅樓。

瑣廳寒

懶真堂雅集

吳陳琰

曲逕桐疎短。墻竹密。深藏書院。主人謝事。世上逢
迎真懶。掃荒堦苔痕漸黃。驚秋特地招遊伴。只新
詞幾拍。微吟細咏。勝他絲管。歡讌杯長滿。任金
井啼鴉。石池落雁。篆烟一縷。縈遶畫檐難斷。愧年
來塊壘未消。淚流空把檝燭剪。漏聲殘。倦客扶歸。
露冷鳴蛩亂。

嚴將軍墓

夕照荒榛寒。鴉枯木。蕭蕭禪院。尋幽弔古。除却此

情都懶。問殘碑。天寧殿傍。雷音閣後。堪呼伴。

朱買臣墓

在福城寺
雷音閣後

歎會稽賢守。英名並峙。遺墳誰管。

遊

讌喧呼滿。笑客裏浮踪。孤雲野雁。金門侍從。悵望
承明音斷。更追思建節昔年。鯨鯢閩粵。一旦剪。贖
行人爭說將軍。回首蒼烟亂。

用直堯夫宏畧携樽過集

露釀寒深。雨催秋老。淹留仙院。蝸爭蠻觸。賸有阮
狂稽懶。倚藤床華胥夢回。酒邊恰喜逢吟伴。笑平
生事業。胸藏五岳。葛予君管。良讌座俱滿。對夕

陽殘照一聲過雁尋常行處最是月來雲斷擘紅
蕉酒遍墨痕石欄不住風剪剪竚空庭水浸樓臺
竹栢影交亂

坐金明寺懷倦圃先生

倚杖橋頭挂瓢驢背往來僧院幢幢燈影使我悲
秋心懶念先生文園病餘采山亭子誰爲伴想藥
爐茶竈暫閒釣具不停吟管遊讌月將滿擬鴛
渚烹蓴鶴洲聽雁芒屨辦取莫待天香飄斷越涼
颺黃葉白蘋波紋細細柔櫓剪帽簷斜醉插花枝

漁火前村亂

集項擘雪大令懶真堂

唐夢賚

委巷臨溪板扉隔市幽人庭院龐公採藥此後移
家偏懶整殘籬松筠尚存花欄皓鶴常相伴看清
風丹灶瑤塔細雨阿誰閒管張謙流霞滿甚綉
幔驚鴻銀箏促雁焚香寶鼎但把鬚髯吟斷祝使
君鳴琴較書蓬蒿戶外休令剪客歸來薄醉微醒
煮茗濤聲亂

旅寓卽事

滅照流螢。停音促織。梧桐深院。闌珊秋意。此事非
干衰懶。晚烟歛。水輪漸盈。凌風似共瑤池伴。乍踈
鐘未歇。市聲頓寂。誰家簫管。神讌遊人滿。有蠻
舞吹螺。鬚笙喚鴈。八叉七步。總被吟思敲斷。約明
朝良朋買舟。晴湖一棹。穿燕剪。聽新歌。沽酒旗亭
駐楫青萍亂。

謝曹秋岳侍郎張蘧林王邁人錢耳信郁
光伯沈止岳同年南湖招飲同袁若遺周
介卷太守

棹倚烏檣。幢停燕尾。瓜棚秋院。禮非我設。一揖容

人踈懶。照湖光。主人意隆。瓊輪畫鼓。徵歌伴。壓瓠
璃百頃。風菱葉葉。吹殘湘管。佳讌清樽滿。憶
闕下瞻龍。塔邊記鴈。江雲涓樹。付與關河音斷。傲
巴山。離多會難。西窻蠟炬。和雨剪。正更闌。月皎星
稀。橋上歸燈亂。

天寧寺題嚴將軍墓

古木蒼涼。寒雲澹蕩。碧宮紺院。登臨送目。頓使英
雄慵懶。試回頭。承明舊廬。上書零落。鄒枚伴。問講
堂廢井。荒墩尺碣。何人編管。追讌公車滿。見仙

掌盤龍。昆池浴鴈。南甌東越。朱節和風吹斷。怨平
蕪。王孫不歸。萋萋芳草。何處剪。剩多情。漆室漁燈。
淚與晨鐘亂。

月下笛

中秋

唐夢賚

借問姮娥。瓊宮貝闕。阿誰長聚。圓時少缺。時多半
掩瑤戶。山河倒影金臺色。又道是。娑羅藥樹。豈藥
珠仙子。守株待兔。無分朝暮。陳俎凝眸處。看瓜
果兒曹。怎能辜負。蓬門繡闥。偏生一樣清顧。歌船

出港笙簫動。早吹盡雲綃霞紵。留無計。猜海上扶
桑將伊縮住。

中秋後一日張蘧林少
司馬招飲用玉田體

吳陳琰

秋色平分。晴光不改。天涯良聚。侍郎宅。綠水橋西
舊朱戶。閒居別有經綸在。愛管領編禽補樹。恰花
前飛蓋。竹邊捲幔。淡烟催暮。樽俎挑燈處。喜桂
魄仍圓。忍教虛負。嬌絲脆竹。曲中若箇。頻顧漏殘
香燼。人俱醉。又石畔歌翻白紵。塵初靜。恁露零風
顫。絳雲過住。有歌者
在座

瑞鶴仙

壽倦圃師

吳陳琰

東南纔罷戰。喜圍棋已捷。謝公心倦。林泉岩遊慣。
坐桂叢香裏。天花浮硯。豪情不淺。鑄洪鑪千鍾百。
鍊遇歡場。醉寫烏絲。人傳黃絹。重見蠡湖風月。
裴島烟霞。閒身長健。流光似箭。天寶事不堪笑念。
塵埃誰是舊京人物。歷落曉星幾點。縱年來酒債。
尋常經綸再展。

燈下書懷次前韻

殘荷風力戰。悵秋光蕭颯。相如遊倦。家園賞心慣。
向草堂荒砌。拓毫濡硯。世緣累淺。困塵途霜磨雪。
鍊。趣高朋刻燭。吟成鵝溪新絹。驚見中秋過也。
又近重陽。年年應健。漏傳四箭。酒漸醒。愁難笑。遡
輕紅放棹。煮茶亭下。怕看荻花點點。賦歸歎。采菊
東籬。寸腸暫展。

壽秋岳

唐夢賚

羽觴催茗戰。知廣寒連日。讌花微倦。年年張筵慣。
笑行間磨盾。林間磨硯。諸公興淺。坐名園鐵舟橫。

鍊壓詞壇歌贈多綾。字酬千絹。親見吳山題雪。
 醉里聯詩。酒懷偏健。銀壺滴箭。夜正永。爵無笑舞。
 瑤臺三疊霓裳聽罷。莫問譙樓數點。願時時仙桂
 飄香柔茵漫展。鐵舟侍郎園名

寄意

瑤塔黃葉戰。任閒庭秋老。酒慵詩倦。扁舟尋香慣。
 但林影烹茶筆床隣硯。桂還放淺。念雲山長江鐵
 鍊似全忘作苦田家。買絲徵絹。誰見九峯困頓。
 二豎纏綿。殘軀重健。風稜雨箭。人又去。歸難笑。記

西園屈指籬英開。近望斷征鴻一點。看重陽買棹
 烟波高帆頓展。

